

ADEZAUN TIMOR-LESTE BA ASEAN

PAKOTE OFISIÁL BA MEDIA



Governu
Timor-Leste

Kuala Lumpur
Outubro 2025

Mensajen husi Sua Exelénsia

José Ramos-Horta

Prezidente Repúblika Demokrátika Timor-Leste

On Timor-Leste's Accession to ASEAN

Ha'u-nia maluk sidadaun Timor-Leste sira, líder sira husi Estadu membru ASEAN nian, no belun sira husi ita-nia nasaun doben iha rejiaun no fatin seluk.

Loron 26 fulan-Outubru tinan 2025, hanesan marku importante ida iha istória ita-nia nasaun joven nian no rejiaun Sudeste Aziátiku nian ne'ebé luan liu. Bainhira Timor-Leste ofisialmente sai nu'udar membru ba dala sanulu-resin-ida husi Asosiasaun Nasaun sira Sudeste Aziátiku nian iha Simeira ASEAN ba dala 47 iha Kuala Lumpur, ita hakotu ita nia viajen ida ne'ebé hahú ho ita-nia povu nia determinasaun metin ba soberania no dignidade, iha sékulu barak liubá.

Realizasaun istóriu ida-ne'e reprezenta buat barak liu duka rekoñesimentu diplomátiku; ida-ne'e inkorpora realizasaun ba ita-nia nasaun nia aspirasaun sira atu hamriik hanesan entre ita-nia viziñu rejionál sira, atu kontribui ho signifikativu ba dame no prosperidade, no atu asegura futuru ida ne'ebé nabilan liu ba jerasaun sira tuirmai.

Pesoalmente, ida ne'e mak kapitulu ikus husi meu sékulu ne'ebé dedika ba povu Timor-Leste ne'ebé dignu, resiliente, no orgullu. Ha'u nia fallansu no limitasaun barak maka saida maka karik impede ha'u atu halo buat barak liután.

Liafuan sira-ne'e reflète, la'ós de'it ha'u nia viajen pesoál, maibé haraik-an kle'an ne'ebé ha'u sente bainhira ita to'o iha momentu estrordináriu ida-ne'e. Maski ha'u rekoñese ha'u nia falta rasik, ha'u nakonu ho orgullu boot ba saida maka ita atinje ona hamutuk.

Adezaun ba ASEAN ne'e la pertense ba indivíduu ida, maibé ba Timoroan ida-idak ne'ebé sakrifika an ba ita-nia independénsia, ne'ebé harii fali ita-nia nasaun husi ahi-rahun, no ne'ebé nunca para fiar katak ita iha duni iha ita-nia fatin loloos iha rejiaun ida-ne'e.



PRESIDÊNCIA DA REPÚBLICA



Ba ita-nia parseiru ASEAN sira, ha'u hato'o ami-nia agradesimentu kle'an ba ita-boot sira-nia pasiénsia, orientasaun, no ikus liu, ita-boot sira-nia konfiansa hodi simu ami iha família nasaun sira-ne'e. Ita-boot sira-nia apoiu durante ami-nia prosesu adezaun tomak hatudu espíritu loloos solidariedade rejionál no prosperidade partillada ne'ebé define ASEAN.

Ba povu Timor-Leste, susesu ida ne'e imi nian. Husi foho sira husi fuan sagradu ita-nia rain nian, to'o ahu-ruin no tasi sira ne'ebé riku liu ho biodiversidade iha mundu, husi ita-nia agrikultór kafé sira iha Ermera to'o ita-nia foin-sa'e sira iha universidade sira iha nasaun tomak - momentu ida-ne'e pertense ba imi ida-idak.

Imi hatudu ona ba mundu katak nasaun ki'ik ida, ne'ebé moris hosi luta, bele hamriik hodi hola nia fatin entre ema ne'ebé hanesan, liuhosi determinasaun, diplomasia pasífika, no esperansa ne'ebé la nakdoko.

Bainhira ita hahú kapitulu foun ida-ne'e nu'udar membru ba dala sanulu-resin-ida ASEAN nian, ita lori ho ita lisaun sira husi ita-nia pasadu no mehi sira ba ita-nia futuru. Ami hola kompromisu atu kontribui ho significativu ba dame, estabilidade no prosperidade rejionál. Ami sei fahe ami nia perspectiva úniku enkuantu aprende hosi ami nia viziñu sira nia matenek. Hamutuk, ita sei harii Sudeste Aziátiku ida ne'ebé forte liu, no inkluzivu liu.

Mai ita hanoin ema sira ne'ebé la hamutuk ona ho ita hodi assiste loron ida ne'e - ita-nia estadista mane no feto sira, erói rezisténsia nian, ita-nia mane, feto no labarik sira, ita-nia líder sira ne'ebé hatuur fundasaun ba momentu ida-ne'e, no ita-nia sidadaun sira ne'ebé mehi ba konkista ida-ne'e. Sira nia sakrifísiu mak loke dalan ba buat ne'ebé ita celebra ohin loron.

Adezaun ba ASEAN sai fonte ida ba oportunidade foun ba ita-nia povu, ba integrasaun boot liu ho ita-nia rejiaun, no progresu kontínuu ba futuru pasífiku no prósperu ne'ebé ema Sudeste Aziátiku hotu-hotu merese.

Ho agradesimentu kle'an no esperansa foun ba ita-nia futuru ne'ebé ita fahe.

José Ramos-Horta
Prezidente Repúblika Demokrátika Timor-Leste



Mensajen husi Sua Exelénsia Kay Rala Xanana Gusmão Primeiru-Ministru Repúblika Demokrátika Timor-Leste

Kona-ba Adezaun Timor-Leste ba ASEAN

Distintu lider Estadu membru ASEAN no Parseiru Esternu ASEAN nian, belun ba ita-nia nasaun iha rejiaun no iha liur, no ha'u nia povu doben Timor-Leste.

Adezaun Timor-Leste nian nu'udar membru ASEAN ba dala sanulu-resin-ida marka kapitulu foun ida iha ita-nia nasaun nia istória no iha istória Sudeste Aziátiku nian.

Ba Timor-Leste, adezaun ida-ne'e, representa susesu ida no mós responsabilidade ida. Ida-ne'e reflete ita-nia kompromisu ne'ebé dura ba kooperasaun rejionál, governasaun di'ak no relasaun pasífika entre nasaun sira. Ida-ne'e mós bolu ita atu kontribui ho ativu ba objetivu sira ne'ebé hanesan hosi ASEAN kona-ba estabilidade, prosperidade no inkluzividade.

Dezde aplika ba adezaun iha 2011, Timor-Leste servisu besik ho Estadu-membru ASEAN no parseiru sira hodi prepara ita-nia instituisaun no polítika sira ba integrasaun. Durante prosesu ida-ne'e ita hetan orientasaun hosi valór baze sira ASEAN nian kona-ba respeitu ba malu, kooperasaun pasífika no unidade iha diversidade.

Ami sente onra boot atu hamutuk ho comunidade nasaun sira-ne'e iha tempu ne'ebé kooperasaun rejionál no globál nesesáriu liu duké uluk. Timor-Leste sei hala'o ninia parte hodi hametin sentralidade ASEAN nian, avansa dezvoltamentu sustentável no garante katak progresu iha ita-nia rejiaun la husik ema ida iha kotuk.

Lori Governu no povu Timor-Leste nia naran ha'u hato'o apresiasaun sinseru ba membru no parseiru ASEAN sira hotu ba sira-nia apoiu no amizade ne'ebé metin.

Hamutuk ita hein atu harii Sudeste Aziátiku ida ne'ebé pasífiku, ligadu no resiliente ne'ebé unidu iha objetivu no destinu ne'ebé hamutuk.



Outubru 2025

Iha loron 26 Outubru 2025, iha Simeira ASEAN ba dala 47 iha Kuala Lumpur, Malázia, Timor-Leste oficialmente sai membru ba dala 11 hosi Asosiasaun Nasaun sira Sudeste Aziátiku nian, hodi kulmina viajen notável ida durante tinan 23 hafoin independénsia, tinan 14 hafoin aplikasaun formál ba adezaun no tinan tolu hafoin hetan estatutu observadór.

Marku istóriku ida-ne'e representa, la'ós de'it Timor-Leste nia integrasaun iha organizasaun rejionál prinsipál Sudeste Aziátiku nian, maibé mós testamentu ida ba forsa multilateralizmu, reziliénsia demokrátiku, no unidade rejionál.

Signifikadu Xave

Membru dahuluk Sékulu 21 nian: Timor-Leste sai nu'udar nasaun dahuluk ne'ebé adere ba ASEAN iha sékulu XXI.

Istória Susesu Demokrátiku: Husi nasaun ne'ebé afetadu husi konflitu ba demokrasia ne'ebé estavel iha dékada rua nia laran.

Ponte Rejionál: Pozisaun estratéjiku ne'ebé liga Sudeste Aziátiku ho Pasífiku.

Oportunidade Ekonómika: Asesu ba ekonomia ASEAN ho osan triliaun \$3.8 & ema millaun 680.

Triunfu Multilaterál: Hatudu efikásia hosi diplomasia pasiente no kooperasaun rejionál.

Potensiál Juventude nian: Demokrasia ida ne'ebé joven liu iha mundu ho populasaun joven ne'ebé significativu.

Regional Strategic Value

Timor-Leste nia adezaun ba ASEAN representa marku significativu ida iha integrasaun rejionál. Ho lokalizasaun estratéjiku entre Indonézia no Austrália, Timor-Leste serve hanesan ponte naturál entre Sudeste Aziátiku no Pasífiku, hodi hasa'e konetividade no influénsia ASEAN nian iha rejiaun Indo-Pasífiku ne'ebé luan liu.

Timor-Leste Nia Kontribuisaun ba ASEAN

Esperiénsia kona-ba Harii Dame

Modelu transformasaun pós-konflitu ne'ebé susesu

Reziliénsia Demokrátika

Demokrasia joven ho kompromisu tomak ba governasaun no instituisaun sira ne'ebé forte

Diversidade Kulturál

Patrimóniu úniku ne'ebé hariku paizajen kulturál ASEAN nian

Rekursu Marítimu sira

Jestaun sustentável ba tasi no peskas

Envolvimentu Foin-sa'e sira

Populasaun joven sira ne'ebé dudu inovasaun no konetividade

Asaun Klimátika

Enerjia renovável no sustentabilidade ambientál

Vizaun Jerál kona-ba Realizasaun Istóriku



Loron 26 fulan-Outubru tinan 2025: Timor-Leste sai membru ASEAN ba dala 11



Tinan 23 hafoin restauração da independência, tinan 14 hafoin aplikasaun formál



Asesu ba ema millaun 680+ no \$3.8 trillion economy



Benefísiu xave sira:

Asesu ba merkadu, influénsia diplomátika, kooperasaun seguransa, fluksu investimentu

Estadu Membru sira ASEAN nian



Indonesia

1967



Malaysia

1967



Philippines

1967



Singapore

1967



Thailand

1967



Brunei

1984



Vietnam

1995



Laos

1997



Myanmar

1997



Cambodia

1999



Timor-Leste

2025

NEWEST MEMBER

POPULASAUN TOTAL

680+ Millaun

COMBINED GDP

\$3.8 Triliaun

Formasaun ASEAN

Harii iha loron 8 fulan Agostu tinan 1967 iha Bangkok hosi membru fundadór na'in lima. Habelar ba membru 11 iha tinan 58 nia laran

Valór Estratéjiku & Perfíl Nasionál

POPULATION	PIB	FUNDU PETROLÍFERU
1.520.586	Billaun \$1.9	Billaun \$18.74

- 


Lokalizaun estratéjika: Ponte entre Sudeste Aziátiku no Pasífiku
- 

Istória susesu demokrátiku nian Husi konflitu ba demokrasia estavel iha tinan 20 nia laran
- 

Kontribuisaun úniku sira: Harii dame, rekursu marítimu, envolvimentu juventude (70% ho idade menus hosi 35), asaun klimátika
- 

Patrimóniu Timor nian: Hariku ASEAN nia diversidade kulturál

Timor-Leste Nia Fatin Estratéjiku



KOORDENASAUN JEOGRÁFIKA SIRA

8.8742° S, 125.7275° E

AREA TOTAL

14,870 km²

Sidade boot sira

- Dili (KAPITAL)
- Baucau
- Maliana
- Suai
- Lospalos

Nasaun viziñu sira

Timor-Leste nia lokalizasaun entre Indonézia no Austrália. Fahe fronteira terrestre no marítima ho Indonézia, no fronteira marítima ho Austrália iha Tasi Timor.

TIMOR-LESTE NIA DALAN BA ASEAN

Liña tempu badak ida kona-ba viajen diplomátiku Timor-Leste nian ba adezaun tomak ba ASEAN, ne'ebé destaka marku xave sira, prosesu legál sira, no nasaun nia kompromisu metin ba integrasaun rejionál



Konsolidasaun no Adezaun ba ASEAN (2010-2025)

2011

2025

2011: Aplikasaun Formal ba ASEAN

Timor-Leste hato'o ninia pedidu formál hodi adere ba Asosiasaun Nasaun Sudeste Aziátiku (ASEAN), hodi marka inísiu viajen tinan 14 ba integrasaun rejionál. Nu'udar nasaun joven liu iha Ázia, pasu ida-ne'e hatudu Timor-Leste nia kompromisu ba kooperasaun rejionál no envolvimentu diplomátiku.

2023–2025: Halais Reforma sira

Iha Primeiru-Ministru Xanana Gusmão nia lideransa, no ho apoiu ne'ebé fornese husi Estadu membru ASEAN, Sekretariadu ASEAN, no parseiru dezvoltamentu sira, Timor-Leste implementa reforma ekonómika, polítika, no legál ne'ebé abranjente hodi kumpre ezijénsia ASEAN nian. Marku prinsipál sira inklui reforma lei no regulamentu doméstiku sira ba padraun sira ASEAN nian, no preparasaun atu tama iha akordu ekonómiku xave ASEAN nian, no akordu kona-ba izensaun ba vistu ho estadu membru sira ASEAN nian.

Outubru 2025: Adezaun Istóriku

Tuir Desizaun Simeira ASEAN ba dala 46 iha Kuala Lumpur iha Maiu 2025, Timor-Leste kompleta prosesu adezaun formál hodi sai nu'udar estadu membru ASEAN ba dala 11, durante Simeira ASEAN ba dala 47. Marku ida-ne'e marka kulminasaun hosi esforsu sira ne'ebé sustentavel no progresu significativu ne'ebé halo ona iha Roteiru Adezaun ASEAN nian dezde 2023, ho reforma sira no realizasaun sira ne'ebé rekoñesidu, loke dalan ba oportunidade foun sira iha integrasaun rejionál, komérsiu, investimentu, no dezvoltamentu setór privadu, diversifikasaun ekonómika, no kooperasaun internasionál.

2012

Hametin Relasaun Diplomátika ASEAN nian

Tuir aplikasaun 2011 nian nasaun kontinua estabeselese misaun diplomátika dedikadu iha kapitál sira ASEAN nian no kria grupu traballu internu sira hodi aliña polítika nasional sira ho padraun ASEAN nian.

2019

Programa Mobilizasaun

Timor-Leste lansa ninia Programa Mobilizasaun ASEAN (TLAMP), dokumentu orientadór ida ne'ebé trasa programa no iniciativa sira ba adezaun Timor-Leste ba ASEAN. Dokumentu ne'e identifika ministériu no atividade xave sira hodi hahú programa sira iha pilar ASEAN tolu nia okos maka hanesan comunidade polítika-seguransa, ekonómika, no sosio-kulturál sira.

2020

Reforma Estruturál no Armonizasaun Jurídika

Husi tinan 2020-2025, Timor-Leste hahú halo ajustamentu legál, ekonómiku, no tékniku ne'ebé kle'an hodi aliña ho padraun ASEAN nian. Governu estabelese ekipa dedikadu sira ba pilar ASEAN ida-idak, hodi halo revizaun ba lei no regulamentu 30 resin atu asegura kumprimentu ho enkuadramentu rejionál sira. Konsellu Ministru estabelese Grupu Traballu Interministeriál kona-ba Adezaun ba ASEAN hodi koordena esforsu nasional no prontidaun institusionál.

2022

Estatutu Observadór

Durante Simeira ASEAN ba dala 40 no 41 iha Kambodja, líder ASEAN concorda em-prinsípiu atu simu Timor-Leste nu'udar membru da-11 husi ASEAN no atu fó Estatutu Observadór iha ASEAN, tuir misaun buka faktus abranjente no ho susesu ba pilar tolu, ne'ebé hala'o husi Estadu Membru ASEAN no Sekretariadu ASEAN.

2023

Adosaun ba Roteiru

Durante Simeira ba dala 42 ASEAN nia, iha Labuan Bajo, Indonézia, halo adosaun ba Roteiru Adezaun Timor-Leste nian nu'udar Membru Plenu ASEAN oficialmente .

2024

Aliñamentu Xave sira Akordu ASEAN nian

Timor-Leste kumpre ho susesu rekizitu no marku sira ne'ebé trasa ona iha Roteiru, hodi hatudu nia prontidaun ba adezaun tomak. Entre sira seluk, nasaun kompleta preparasaun ba akordu ekonómiku boot, sira ne'ebé krítiku ba integrasaun ASEAN nian.

MAY

Simeira ASEAN ba dala 46 iha Kuala Lumpur

Iha loron 26 fulan-Maiu tinan 2025, Simeira ASEAN ba dala 46 iha Kuala Lumpur decide oficialmente formaliza Timor-Leste nia adezaun tomak, durante Simeira ASEAN ba dla 47 iha Kuala Lumpur ne'ebé hahotu tinan barak nia laran ho envolvimentu diplomátiku no preparasaun téknika. Desizaun ne'e rekoñese Timor-Leste nia kumprimentu ba kritériu adezaun esensiál .

JUL

Preparasaun Ikus Timor-Leste nian

Tuir Simeira nia desizaun, Governu Timor-Leste aselera implementasaun husi meta husi Roteiru nebe sidauk iplementa, liu liu Ponto 2 kona-ba Adezaun Timor-Leste ba instrumentu legál ASEAN nia esforsu implementasaun. Husi jullu to'o outubru 2025, Timor-Leste hala'o prosesu internu ba adezaun ba instrumentu legal 65 ASEAN nian.

Negosiasaun Husi Akordu Ekonómiku Prinsipál

Negosiasaun husi Akordu Ekonómiku Prinsipál hetan progresu bo'ot ne'ebé lori ba konklusaun husi negosiasaun sira ba adesaun Timor-Leste - ATIGA, AFAS, MNP, no ACIA - molok Simeira ASEAN ba dala 47.

Era Foun Husi Reintegrasaun Rejionál

Adezaun ba ASEAN lori Timor-Leste ba iha kapitulu foun ida ba kooperasaun no integrasaun rejionál, hodi loke dalan ba hasa'e komérsiu, investimentu, kooperasaun seguransa, no interkámbiu kulturál ho ema millaun 680 iha rejiaun ne'e. Hanesan Primeiru-Ministru Xanana Gusmão afirma, "Susesu ida-ne'e representa la'ós de'it ita-nia persisténsia, maibé ita-nia kompromisu ba Timor-Leste nia futuru nu'udar parte ida hosi comunidade Sudeste Aziátiku."

2011

2025

Adezaun Tomak husi Timor-Leste: Marku ida ba Rejiaun:

Iha loron 26 fulan-Outubru, Timor-Leste nia entrada ofisiál nu'udar estadu membru ba dala 11 hosi ASEAN konstitui momentu istóriku ida ba Timor-Leste no testamentu ida ba ASEAN nia vizaun ne'ebé fahe ba unidade no kooperasaun.


Dékada ida ho diplomasia ne'ebé determinadu

Realizasaun ida-ne'e representa kulminasaun liu tinan 14 hosi diplomasia persistente, reforma institusionál sira, no envolvimentu rejionál hafoin Timor-Leste nia aplikasaun inisiál iha 2011. Liuhusi programa kapasitasaun no asisténsia téknika ne'ebé komprehensivu, Timor-Leste aliña ho susesu nia governasaun, estrutura ekonómika, no enkuadramentu legál sira ho padraun ASEAN nian.

OPORTUNIDADE: TIMOR-LESTE IHA ASEAN

Deklarasaun vizionáriu ida ne'ebé trasa Timor-Leste nia aspirasaun ba integrasaun ASEAN tomak: dezvoltimentu ekonómiku, seguransa rejionál, futuru prosperidade fahe malu no aumenta ligasaun entre ema.





Integrasaun Transfronteirisu

Timor-Leste iha objektivu atu haburas korredór ekonómiku dinámiku, interkámbiu kulturál, no ligasaun ema ba ema iha rejiaun tomak. Nu’udar membru ASEAN nian ne’ebé foun liu, Timor-Leste lori perspectiva no oportunidade ne’ebé úniku hodi hametin asosiasaun nia vizaun kolektiva.

Oportunidade Xave sira Parseria nian

 Dezenvolvimentu Infraestrutura	 Ekonomia Dijítál	 Reziliénsia Klimátika
 Seguransa Marítima	 Kreximentu Inkluzivu	 Interkámbiu Edukasaun
 Kapitál Umanu	 Dezenvolvimentu Setór Privadu	

Estabilidade no Konetividade Rejionál

Timor-Leste komprometidu atu avansa estabilidade rejionál no konetividade ekonómika, harii ligasaun metin liután ho membru sira ASEAN nian no Parseiru Esternu husi ASEAN.

Aliñamentu Estratéjiku ho Meta Globál no Rejionál

Timor-Leste aliña completamente ninia estratéjia dezvoltimentu nasional ho Objektivu Dezvoltimentu Sustentável ONU nian no Vizaun ASEAN 2025 nian, ne'ebé inklui vizaun foun husi ASEAN 2045. Nu'udar membru ASEAN ne'ebé foun liu, Timor-Leste lori perspetiva foun kona-ba harii nasaun ne'ebé resiliente enkuantu kompromete ba prosperidade rejional.

Edukasaun ho Kualidade

Igualdade Jéneru

Enerjia Moos

Kreximentu Ekonómiku

Asaun Klimátika

Área Foku ba Dezvoltimentu Nasionál

Timor-Leste fó prioridade ba investimentu sira iha dezvoltimentu kapital umanu, konetividade infraestrutura, transformasaun dijitál, no reforsu institusionál. Adezaun ba ASEAN fornese dalan foun atu aselera prioridade dezvoltimentu hirak ne'e.

Hakbiit Foin-sa'e & Feto sira

Ho liu 70% hosi populasaun ho idade tinan 35 mai kraik, Timor-Leste investe iha programa juventude no iniciativa lideransa feto nian hodi aproveita nia dividendu demográfiku.

Sustentabilidade Ambientál

Timor-Leste hola kompromisu ona atu hamenus emisaun karbonu 33% iha tinan 2030 no proteje 70% hosi nia ekosistema tasi-ibun no tasi nian hanesan parte ida hosi nia vizaun ekonomia azul.

Setór Potensiál ba Kolaborasaun

Tanba integrasaun iha kadeia valór rejional sira, ita explora potencial ba área sira-ne'e ba kolaborasaun:

 Enerjia

 Agrikultura

 Eco-Turizmu

 Inovasaun & Teknolojia

ODS

2025

2030

HA'U NIA TASI, HA'U NIA TIMOR EKONOMIA AZÚL

Terrítóriu tasi nian reprezenta 87% hosi luan totál Timor-Leste nian - Iha
Triángulu Korál nia fuan

Timor- Leste nia Rikuso in Tasi nian

Ekonomia Azúl

Fuan husi
Triángulu Korál

Lokalizasaun iha "Amazónia Tasi nian" - episentru globál hosi biodiversidade tasi nian

Territóriu Tasi nian::

Maizumenus 87% hosi Timor-Leste nia estensaun territorial totál

Cetáceos (baleia sira)::

30 hosi espésie 90 iha mundu inklui baleia, golfiñu, orca, no sperm whale

Coral Reefs:

Over 1,200 reef fish species and 400+ coral-building species

Área Protejidu

350 km² resife korál (Parque Nacional Nino Konis Santana), 98 km² (illa Ataúro)


Biodiversidade:

Espésie lenuk tasi nian neen, espésie endémiku sira, no deskoberta foun sira ne'ebé la'o hela



Setór & Dezenvolvimentu Ekonomia Azul

Eko-Turizmu Tasi nian:	Motor prinsipál ba diversifikasaun ekonómika, aproveita luku ho klase mundiál no ambiente tasi nian ne'ebé moos
Peska Sustentável & Akuikultura:	Kódigu Konduta FAO nian ba kumprimentu Peska Responsavel, apoiu ba seguransa ai-han no sustentável
Kuda du'ut-tasi no Produsaun	Setór foun ne'ebé promete ho ezijénsia internasionál ne'ebé aumenta, potenciál subsisténsia ne'ebé significativu ba comunidade sira iha tasi-ibun
Produsaun Masin:	Espansaun produsaun iha eskala ki'ik ho téknika ne'ebé di'ak liu no esplorasaun ba merkadu exportasaun
Konservasaun Tasi-ibun	Protesaun ba reef korál, protesau ba biodiversidade, no espansaun área marinha protegida
Enkuadramentu Polítika:	Política no Planu Asaun Ekonomia Azul Komprensivu ne'ebé agora daudaun iha dezenvolvimentu atu orienta utilizasaun rekursu tasi nian ne'ebé sustentável



Enkuadramentu Estratéjiku Ekonomia Azul nian

Estrutura Lideransa

Lidera hosi Primeiru-Ministru Kay Rala Xanana Gusmão ho koordinasaun hosi Gabinete Fronteira Terrestre no Marítima, hodi garante kompromisu abranjente hosi governu tomak ba kuida tasi nian

Alvu Konservasaun 30x30

30% husi Timor-Leste nia área tasi designadu ba konservasaun iha tinan 2030, aliñadu ho Enkuadramentu Globál Biodiversidade Kunming-Montreal

Inisiativa Estratéjiku Xave sira



Park Nasionál Ataúro



Sentru Edukasaun no
Investigasaun Mariña Ataúro



Espansaun Área
Protejida Tasi nian



Programa sira restaurasaun
no espansaun ai-parapa nian



Comprehensive marine
spatial planning

KONTAKTU MÍDIA SIRA

Prezidénsia Repúblika:



Asesór ba Mídia: Francisca Maia
E-mail:
Telefone/ WhatsApp: (+670) 7739 1923

Gabinete Primeiru-Ministru nian



Asesór ba Mídia: Elvis Guterres
E-mail: e.britesguterres@gftm.gov.tl
Telefone/ WhatsApp: (+670) 7739 1923

Ministériu Negósiu Estranjeiru no Kooperasaun



Asesór ba Mídia: José Antonio Ximenes Guterres
E-mail: joaoantoniofutterres5@gmail.com
Telefone/ WhatsApp: (+670) 7479 6822

**WEBSITE OFISIÁL
ESTADU NIAN:**

Prezidénsia Repúblika:
presidenciarepublica.tl

Governu of Timor-Leste:
timor-leste.gov.tl

Estatístika: inetl-ip.gov.tl
Investmentu: tradeinvest.tl

**Atu download media kit ida-
ne'e, foto sira, logotipu no
materiál sira seluk,
favór vizita:**

ADEZAUN TIMOR-LESTE BA ASEAN

PAKOTE OFISIÁL BA MEDIA

OBRIGADO!



Governu
Timor-Leste

Kuala Lumpur
Outobru 2025